

Merci, Amours, qu'iert il de mon martire

Linker 65,49; RS 1502

Mss.: M 36, T 166 = Gace Brulé.

Metrica: a10' b10 a10' b10 b10 a10' b10 (MW 901,35). *Chanson* di 3 *coblas doblas* di 7 versi.

Edizioni: Petersen Dyggve 1951, p. 271.

- letto 1452 volte

Edizioni

- letto 1044 volte

Petersen Dyggve

I.

Merci, Amours, qu'iert il de mon martire
que j'ai souffert et encor vueill souffrir
dusqu'a un jour que vous plaira a dire
que me voudroiz mon service merir,
et tant et pluz serai je vostre amis?
je vous aim tant, nule rienz ne desirre
fors vostre cors, si m'en doinst Diex joïr.

II.

Or sui en l'aim de morir ou de vivre
se n'ai secours de ce que pluz desir.
Les males gens me vuelent desconfire
cui touz cis mons doit blasmer et haïr.
U vueille u non si me couvient blandir,
et sachiez bien que le faiz par grant ire,
maiz autrement ne m'en puis departir.

III.

Douce dame, qu'iert il de vo pensee?
Porrai la ja savoir par vostre gré?

Teuz sert lonc tanz qui'n a povre soudee
et teus mout pou qui'n a a volenté.
Jel di pour moi qui tant bien ai amé
que ma douleurs seroit tost oubliee
se guerredon fuissent a droit doné.

- letto 644 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/merci-amours-quiert-il-de-mon-martire>